

廿二史札記

廿二史札記

廿二史劄記卷二十七

陽湖 趙翼 雲崧

遼史

遼史太簡略蓋契丹之俗記載本少太宗會同元年雖

詔有司編始祖奇善音魯可汗事迹然遼史所載僅記其

生於都菴山徙於潢河之濱而已蓋已荒渺無可稽也

歷朝亦有監修國史之官如劉愼行邢抱樸室昉劉晟

馬保忠耶律隆運邪律块蕭罕嘉努舊名蕭韓家奴耶律阿蘇舊名阿思

王師儒等皆以此繫銜見各本傳然聖宗詔修日歷官毋書細

事道宗并罷史官預聞朝議俾問宰相書之惟蕭罕嘉

努修國史以聖宗獵秋山熊鹿傷數十人直書其事帝

見而命去之既出又書其事以為史筆當如是也其他

則隱諱苟簡可知矣其編為史冊至興宗時耶律孟簡

上言本朝之興幾二百年宜有國史以垂後世乃編耶

律舊名嚇魯魯魯烏哲舊名休格舊名三傳以進興宗始命置局編

修其時有耶律古裕舊名耶律庶成及蕭罕嘉努實任編

纂之事乃錄約尼氏舊一作通以來事迹及諸帝實錄共二

十卷上之蓋聖宗以前事皆是時所追述也道宗大安

元年史臣進太祖以下七帝實錄則又本耶律古裕等

所編而審訂之其時劉輝謂舊一作通曰宋歐陽修五代史

附我朝於四夷矣加貶訾臣亦請以趙氏初起時事詳

附我朝國史據輝所言則不惟諸帝有實錄且漸有全

史矣至天祚帝乾統三年又詔耶律儼纂太祖以下諸

帝實錄共成七十卷於是遼世事迹粗備遼史傳贊謂

其具一代治亂之迹亦云勤矣當遼之世國史惟此本

號爲完書金熙宗嘗于宮中閱遼史卽此本也熙宗皇

統中又詔耶律固伊喇因舊作移刺因伊喇子敬等舊作移刺子敬續修

遼史而卒業於蕭永琪共紀三十卷志五卷傳四十卷

皇統七年上之此金時第一次所修也章宗又命伊喇

履提控刊修遼史党懷英郝傑充刊修官伊喇益趙渢

等七人爲編修官凡民間遼時碑誌及文集悉送上官

同修者又有賈鉉蕭貢陳大任等泰和元年又增三員

有改除者聽以書自隨懷英致仕後詔大任繼成之俱見

纂傳此金時第二次所修也至元修遼史時耶律儼及陳

大任二本俱在后妃傳序云儼大任遼史后妃傳大同小異酌取以著於篇而歷象閏考中并注明儼本某年有閏大任本某年無閏尤可見其纂修時悉本儼大任二書也

遼史二

遼金二代之興皆經祖宗數世開創始成帝業金史於太祖本紀前先立世紀以敘其先世最爲明晰遼史則開卷卽作太祖本紀而其祖宗遞傳之處反附見於本紀贊內故所敘太簡肅祖懿祖元祖德祖四代其妻已立傳於后妃內其夫反無專紀而附於贊內豈不詳略

兩失乎且贊中所敘又不甚明了 史書可汗生都

菴山傳至聶噶舊名雅讓蘇爾威舊名卑而不肯自立聶噶生必

塔舊名毗牒必塔生海蘭舊名額海蘭生努爾蘇舊名思是為肅祖肅

祖生薩喇達舊名薩刺德是為懿祖懿祖生伊德實舊名德是為元

祖元祖生色勒迪舊名徹刺的北庭是為德祖即太祖安巴堅

舊名阿保機之父也世為約尼之額爾奇木舊作夷太祖受可汗

之禪遂建國云太祖本紀又謂哈陶津汗舊作痕德殂羣

臣奉遺命請立太祖太祖三讓乃許之按新唐書謂契

丹王錫里濟舊唐書及薛居正五代史俱作習爾之死族人沁丹唐書薛史俱作欽德嗣嘗入

寇為劉仁恭所敗乃以重賂乞盟故沁丹晚節不競而

歐陽五代史謂約尼以次代為劉仁恭所攻八部之人

以約尼爲不任事選於衆得安巴堅代之蓋此卽遼史

所謂受可汗之禪者也

欽德痕德革遜皆名字傳聞之誤

其聶噶讓蘇爾威而

不自立之處按耶律嚇魯傳哈陶津汗歿羣臣奉遺命

立太祖太祖曰吾祖聶噶嘗以不當立而辭位吾可受

乎嚇魯曰昔聶噶之辭以未有遺命也今先君言猶在

耳君命不可違太祖乃卽位據此則所謂聶噶讓蘇爾

威及太祖受可汗之禪歐史雖不載要是實事又嚇魯

云自蘇爾威後十餘世國衰民困今正當興王之運不

可失也此亦與唐書歐史所謂被劉仁恭所攻八部之

人以約尼爲不任事而立安巴堅者略相合然遼史謂

羣臣奉遺命立安巴堅歐史則謂八部人公議立安巴

堅又屬岐互至新唐書謂八部迭相更代獨安巴堅自爲一部不昔代自號爲王歐史又謂安巴堅旣立後值中國多故漢人歸之者衆告以中國之主無代立者安巴堅於是立九年尚不求代諸部共責誚之安巴堅曰吾立九年所得漢人多矣欲自爲一部以治漢城諸部許之遂率漢人於灤河上築城種田而以計誘八部大人來會盡殺之然後并八部爲一此與新唐書相合當是安巴堅實事而遼史並無一字及之蓋耶律儼修實錄時爲其先世隱諱陳大任修史亦遂因之不復勘對唐書及歐史也且遼史隱諱之處亦不止此歐史載李克用先約安巴堅共攻梁已而安巴堅背約反遣梅老

聘梁奉表稱臣以來封冊克用大恨臨歿以一矢屬莊宗報仇後果爲莊宗擊於望都大敗而去而遼史則以克用結好之事爲約其共攻劉仁恭而不言攻梁以掩其背約之迹此其諱飾一也歐史德光滅晉後歸歿於灤城契丹人剖其腹實以鹽載之北歸晉人謂之帝羆遼史並不載但載其自悔之語謂此行有三失縱兵掠芻粟一也括私財二也不遣諸節度歸鎮三也而贊其如秦穆之能悔過又記其遷晉主母子於黃龍府時仍以其官女宦官東西班官醫官控鶴官及庖人茶酒司等從行又以晉舊臣趙瑩馮玉李彥韜等護送以見其加惠於亡國之處凡此有善則書有惡則諱可見皆耶

律儼在遼時所修原本而陳大任因之者也而元時修史之草率并唐書歐史亦不復校勘慨可見矣

宋史宋琪傳琪本幽薊人故知遼事最詳其疏云契丹自阿保機始強因攻渤海死於遼陽妻述律氏生三子長東丹次德光季曰自在太子德光南侵還死於遼東丹之子永康代立起軍南侵被殺於大神淀德光子述律代立號曰睡王二年爲永康子明記所篡明記死幼主代立明記妻蕭氏番將守興之女卽今幼主之母也云云其敘安巴堅以後世次繼立之處俱與遼史同惟名字不合蓋契丹以國語爲名本無正字耳

十二 史略
遼史立表最善

遼史最簡略二百年人物列傳僅百餘篇其脫漏必多矣然其體例亦有最善者在乎立表之多表多則傳自可少如皇子皇族外戚之類有功罪大者自當另爲列傳其餘則傳之不勝傳若必一一傳之此史之所以繁也惟列之於表旣著明其世系官位而功罪亦附書焉實足省無限筆墨又如內而各部族外而各屬國亦列之於表凡朝貢叛服征討勝負之事皆附書其中又省却多少外國等傳故遼史列傳雖少而一代之事迹亦略備惟與宋和戰交際之事則書於本紀而不復立表蓋以夏高麗女直之類皆入於屬國表宋則隣國不便

列入也然金史特立交聘表凡與宋交涉之事一覽瞭如遼史雖舊無底本而元人修史時既於金史立此表獨不可於遼史亦立此表乎且遼史與宋交涉之事書於本紀者前後亦不盡一澶淵旣盟之後凡兩國遣使生辰正旦以及慶弔等事不特逐年詳書即使臣姓名亦一一不遺及興宗再定和議加增歲幣之後則惟書弔大喪賀卽位之事其餘生辰正旦等使一概不書何其前詳後略也若亦立交聘表則此等皆可於表內見之前旣免於繁冗後亦不至簡略矣而遼史無之此又修史諸人之失也

遼史疎漏處

遼史又有太疎漏者東都事略記遼太宗建國大遼聖

宗即位改大遼為大契丹道宗又改大契丹為大遼改

號復號一朝大事而遼史不書聖宗統和二十四年幽

皇太妃呼紐舊名胡諱於懷州囚夫人伊蘭舊名於南京餘黨皆

生瘞之明年賜皇太妃死於幽所按統和十二年詔皇

太妃領西北路烏爾古舊名烏古等及永熙宮軍撫定西邊以

蕭達林舊名撻懶宋史名撻覽督其軍事此即皇太妃呼紐也達林

傳亦稱夏人梗邊皇太妃受命總烏爾古部及永熙宮

軍討之凡軍行號令太妃悉委達林其後蕭罕嘉努舊名

蕭罕疏亦言統和間皇太妃出師西域拓土既遠降附

亦多自後一部或叛隣部討之使同力相制正得禦遠

之道則此皇太妃不惟有闢土之大功且有靖邊之長策其幽死也又以何事后妃傳內當專立一傳乃並無其人何也又聖宗統和四年納皇后蕭氏皇太妃進衣物駝馬以助會親頒賜內外命婦亦進會親禮物此后乃聖宗元配也統和十九年以罪降爲惠妃后雖降而其爲聖宗原配終不可沒后係何人之女以何事得罪后妃傳內亦宜有專傳乃但以統和十九年另立之齊天皇后特立一傳而此初娶之后絕無一字及之何耶且旣爲遼史則本國興兵之事不應自稱曰遼兵乃本紀貝州之戰云軍校邵珂開城門納遼兵戚城之戰云遼軍圍晉別將於戚城晉主自將救之遼軍引退鄴都

廿二史劄記 卷三十一
之戰云慕容彥超遇遼軍數萬至榆林遼軍又至彥超等力戰遼軍乃退如此類者不一而足反似他國記載而稱契丹爲遼軍者此亦修史者之跡也

遼帝皆有簡便徽號

遼帝皆有一二字簡便徽號當時爲臣下所稱後世亦卽以此別之爲某帝初不稱廟諡也如太祖曰天皇帝太宗曰嗣聖皇帝世宗曰天授皇帝穆宗曰天順皇帝景宗曰天贊皇帝聖宗曰天輔皇帝道宗曰天祐皇帝末帝曰天祚皇帝皆於初卽位時羣臣上尊號卽有此二字甚至皇后亦另有徽稱如太祖后曰地皇后聖宗后曰齊天皇后道宗后曰懿德皇后是也其後耶律淳

僭位亦號天錫皇帝耶律達實舊名塔亦號天祐皇帝達實

歿其后塔布布延

舊名塔不烟

稱制亦號感天皇后其女布沙

堪舊名普速完

稱制亦號承天太后此亦一代之制也按元制

每帝亦有國語徽稱如太祖曰成吉斯

舊作成吉思

皇帝世祖

曰色辰

舊名

皇帝成宗曰鄂勒哲圖

舊作完澤篤

皇帝武宗曰庫

魯克

舊名

皇帝仁宗曰布延圖

舊作普顏篤

皇帝英宗曰格根

舊名

皇帝文宗曰濟雅圖

舊作札牙篤

皇帝是也但元制係以國語

為尊奉之稱遼制則不用契丹語而以漢字尊稱故不

同耳

遼后族皆姓蕭氏

遼后族皆姓蕭氏后妃傳引邪律儼所修實錄謂其先